

AKASHVANI AIZAWL
REGIONAL NEWS BULLETIN

HEADLINES (EVENING)

1. Larsap, General (Retd) Vijay Kumar Singh an vawiin khan Selesiha Central Agricultural University (CAU), Imphal hnuai thutkhawm pawimawh pathum a hawng.
2. Sorkar hmalakna Mizo Taxi mobile application chu Taxi a eizawngtu pawl ten an dodal mek.
3. Lucknow-a coaching centre kangah mi 14 aia tlem lo an thi.
4. President Droupadi Murmu chuan vawiin khan Madhya Pradesh-a Kuno National Park a tlawh.

<><><>

GOVERNOR

Larsap, General (Retd) Vijay Kumar Singh an vawiin khan Central Agricultural University (CAU), Imphal hnuai thutkhawm pawimawh pathum - 15th Research Council Meeting, 11th Extension Education Council Meeting leh 33rd Academic Council Meeting Selesihah a hawng.

Selesiha College of Veterinary Sciences & Animal Husbandry (CVSc& AH) ah ni 2 chhung thukhawm hi neih a ni dawn a, hawnna thusawiin Larsap chuan Central Agricultural University chu hmarchhak state agriculture sector-a hmasawna thar thlentu pawimawh tak a ni a, laboratory hna, loneitute thleng pha leh classroom zirna thleng a huam kim vek avangin thiamna a tak ngeia hman tangkaina a lantir a ni, a ti. CAU-in policy kaihhnawih lehkhabu tha tak "Transformation of the Mizoram Economy from US Dollar 540 Millions to US Dollar 6,394 Million @ 2047" an siam chu lawmawm a tih thu sawiin, Mizoram chu agriculture-a inngat a nih avangin he ruahmanna awmze nei leh huapzau tak hian Mizoram hmakhaw eng tak a siam thei dawn a, harsain lang mahse, tih tak takna leh loneitute sum lakluh tipung chung zelin a hlen theih ngei a ring tih a sawi a ni,

Thusawitu dang CAU Vice-Chancellor Dr. Anupam Mishra chuan Central Agricultural University chu India rama agriculture university tha berte zinga mi a nih thu a sawi a. Hmarchhak state-a danglamna nasa tak awm chuan agriculture leh a kaihhnawih tihhmasawn kawngah remchanna nasa tak a pek thu sawiin, hmarchhak leh India ram hmasawn nan an thawk zel dawn tih a sawi a. Tun dinhmunah CAU-in

hmarchhak hmun hrang hrangah College 13, KVK 6, Multi Technology Testing Centre 6 leh Vocational Training and Testing Centre 6 a neih mek thu a sawi bawk.

He hunah hian College of Community Science, Tura, Meghalaya duan chhuah Strawberry Jam, Litchi Jam leh Mango King Chilli Sauce siam dan technology ziahna bu chu inremna thuthlung angin Larsap-in Pu Harshit T., Manager (Marketing Strategy), PRIME Rural, Shillong, Meghalaya kutah a hlan a. College of Community Science, Tura leh ICAR-CICR, Nagpur-te tangkawp siam chhuah Comilla Cotton Meditech product 4 te chu Larsap hian a tlangzarh bawk a. Aizawl, Saitual, Serchhip leh Champhai District atanga lokal loneitute hnenah lavender leh coriander chi a sem nghal bawk.

<><><>

TAVI

Aizawl a Ebenezer Hospital-ah hlawhtling takin Open Heart Surgery ngai lovin Heart Valve thlak a ni a, hei hi Mizorama a vawikhat na a ni.

Nimin June ni 21 khan Mizoram tan hmasawna mellung pawimawh tak, a vawikhatna atan Ebenezer Hospital Cardiology Center ah Heart Valve (Aortic Valve) chu open heart surgery ngai lovin hlawhtling takin thisenzam kaltlangin a vuah a ni a.

Hemi chungchanga Akashvani Aizawl News zawhna chhangin, he Heart Valve (TAVI) thlaktu, Ebenezer Hospital-a Cardiologist, Dr Vanlalmalsawmdawngliana chuan damlo hi kum 72 mi nu pakhat niin, a lung valve 4 zinga pakhat chu a tawt em avangin a lung a chak lova, heart failure leh thawhah neiin a chau hma hle a ti a. Damlo hi a upat tawh avang leh a rilpui lamah bawk a neih bawk avangin open heart surgery ti lovin a thisen zam hmangin a lung valve tawt tak chu ti zauin, valve tharin an thlak a ti a. Damlo hi an zai chhung zawngin hnimhlum tel lovin kah hitna hmangin an zai a, in zai zawh hnua dam chhoh leh lam pawh a chak bik tih a sawi a ni.

Byte: Dr Msa, ebenezer

Dr Vanlalmalsawmdawngliana chuan damlo na tak tak te pawh hetiang hman hian Ebenezer damdawi inah an enkawl thei tawh tih sawiin, Mizoramah a vawikhatna a nih mai bakah hmarchhak bialah pawh ti thei an la tam lo hle a ti a. Assam leh Meghalaya dawtah Mizoram chu hetiang heart valve thlak thei pathumna a nih thu a sawi a ni.

<><><>

ONLINE TAXI APP

Sorkar hmalakna Mizo Taxi mobile application chuan thlawp a hlawh rih lo hle a, taxi leh auto-rickshaw khalhtu mi 200 vel in ziaklut tawhin Taxi a eizawngtu pawl ten an dodal mek bawk.

Taxi-a eizawngtute pawl pathum - Mizoram Taxi Association (MTA), Aizawl Two Wheeler Taxi Association (ATTA) leh Aizawl District Auto Rickshaw Owner Association (ADAROA) chuan sorkarin Online application hmanga taxi leh auto-rickshaw koh theihna tura duan, Mizo Taxi mobile application chu an dodal

chhonzawm zel a, an duhdan chu sorkarin a ngaihtuah tha a nih loh chuan court thlen an tum tih an sawi a ni.

Tunhnaia Lirtheia eizawng pawl pathum-in thuchhuah intawm an siamah Mizotaxi online booking system that tawk lohna lai nia an hriat, sawrkara an thlente a hlawhtlinna hmuh tur a la awm lo chu hriatthiam har an tih thu an sawi a, tunlai ei leh bar, khawsak na sang zel leh tuialhthei man to chho zel ah STA-in kum 2024 March thla daih tawha rate a siamsak hmantir a tum chu hman chi-ah an ngai lo an ti a. Rate awm tawk sorkarah ziaka an thehluh tawh chu sawrkar chuan pawmsak thei se an duh tih an sawi a ni. Hei bakah hian pawl pathumte chuan app-a inziaklut tura registration fee cheng 500 an chawi ngai tur leh taxi/auto hmangtu mipuiten an hman a pianga chhiah zaa 6-10 an chawi zel a ngai tur chu tha an ti lo a, chhiah khawntu atan hman a tum pawh an duh lo tih an sawi bawk a ni.

Hemi chungchanga Akashvani Aizawl News zawhna chhangin, ATTA Vice President KC. Lalchawimawia chuan Mizo Taxi app-a rate zat an dah te chu kilometre inang reng pawh rate zat a inang lo hle a, hei bakah hian a metre an dah pawh a dik lo hle a ti a. Mipui leh taxi khalhtute chhiah chawi tura an siam pawh a sang an tih thu sawiin, registration fee Rs 500/ an chawi ngai tur leh mipui taxi/auto hmangtuten an hman a piang a chhiah zaa 6-10% an chawi zel a ngai tur chu tha an ti lo a ti.

Byte: Vice President KC. Lalchawimawia
Hetihlai hian State Transport Authority (STA) hotute chuan Akashvani Aizawl News zawhna chhangin tun dinhmunah Taxi-a eizawngtu pawl tangrual te thil duh chungchang chu ngaihtuah that tumna a awm rih lo tih an sawi.

Kan corr report lo ngaithla ang.

Vawiin thlengin Mizo Taxi app-ah hian taxi leh auto-rickshaw khalhtu mi 200 chuang an in ziaklut tawh a, lirthei hmangtu tur mipui sing 1, sang 1, 598 an inziaklut tawh bawk niin kan thudawnna chuan a sawi a. Sorkarin ruahmanna a siamah chuan Mizo Taxi online application hi Aizawl khawpui chhungah bul tan phawt tur a ni dawn a, a tahtawlin district dangah pawh kalpui chhoh zel tum a ni. State Transport Authority (STA) chuan Mizo Taxi-ah hun tiam chhunga mipui mamawh khawp lirthei in-register an awm loh chuan, a tul angin 'Mizo Taxi' hnuaia tlan tur permit pek belh a nih tur thu a tarlang tawh a ni.

<><><>

SERCHHIP

Serchhipa thlasik thlai ching pawl- Agriculture & Horticulture Co-operative Society Serchhip’(A&HCS) ten thlai thar Rate mumal zawk a hralh a nih theih nan hmalak an tum.

‘Agriculture & Horticulture Co-operative Society Serchhip’(A&HCS) te chuan vawiin khan Serchhip Darnam YMA Hallah 'Annual Assembly Vawi 13-na' hmangin, he hun hi Pu Lalramthara,Chairman Agri& Horti Farmers’ Cooperative Society Serchhipin a kaihhruai a. Assembly Rorel langsar zingah - Serchhip Zawlpui phai zau hrang hranga atanga chawhmeh thlai hnah & rah an tharchhuahte chu khârchhawng ten an duh duh a rate an siamsak thin chu tha ti lovin, Agriculture & Horticulture Co-operative Society Serchhip’member te chuan Rate rualkhai leh

mumal zawk a hralh thin nise an tih bakah, Serchhip Zawlpui Phai Zau hrang hrangten fur lai pawha nuam zawka an feh theihna tura PCC hmanga Feh kawng tha taka siamsaktu Serchhip Bialtu MLA leh Mizoram sawrkar chungah an lawmthu Resolution siam an pass bawk.

Tun dinhmunah ‘Agriculture & Horticulture Co-operative Society Serchhip’ hnuaiah Member 230 chuang an awm mek a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

MNF

MNF president Pu Zoramthangan khawvelin remna hlutzia an hre zel a, MNF pawh remna thlen turin MNF t̄angkai zia midangin an hre zel a ni, a ti.

Vawiina Aizawla MNF Party Office Mizo Hnam Runah thusawiin Pu Zoramthanga chuan, Mizoramin remna a neih chu Pathian pek a nih thu sawiin, Pathianin remna a pek chu ninhlei pek a ni lo a. Remna chanchin t̄ha hril zel tur leh a chanchin t̄ha hrilh zel theih nan Mizote hi Pathianin remna a pe a ni. " a ti.

MNF chuan a hranpain ropuina bik a nei lo a, an danglamna bik erawh chu Pathian leh kan ram tan titu an nihna a ni a. Chanchin t̄ha hril turin he hnam Pathian tana buatsaih hi MNF tum ber a ni reng dawn a ti.

<><><>

LUCKNOW COACHING CENTRE

Lucknow-a coaching centre kangah mi 14 aia tlem lo an thi. Thudawn danin kangmei hi Aliganj hmuna thleng a ni a. A hmunah Uttar Pradesh Deputy CHief Minister Brijesh Pathak a thleng nghal a. Chanchhuah hna ngawrh taka thawh nghal a ni. Caoching Centre awmna hnuaiah hian dawr lian tak a awm a. Kangmei chhuah chhan hi chhui nghal a ni.

Prime Minister Narendra Modia chuan Lucknow-a coaching centre kang chu pawl atih thu a sawi a. Mitthi chhungte hnenah PMNRF atangin cheng nuai hnih leh hlham tuarte hnenah cheng sing 5 theuh pek a ni ang a ti.

<><><>

PRESIDENT

President Droupadi Murmu chuan vawiin khan Madhya Pradesh-a Sheopur District-ah Cheetah Mitras leh Sahariya tribe member-te Kuno National Park a kawm a. President Murmu-i chuan Project Cheetah hnuaiah hmalaknate chu fakawm atih thu a sawi a. Tualchhung miten nasa takin an puih thu sawiin he Cheetah Conservation Project hlawhtlinna atan an tangkai hle a ti bawk.

President hian vawiin vek khan Kuno National Park a fangkual a. Hei bakah hian Cheetah Command and Control Centre a tlawh bawk a. Project Cheetah exhibition a en bakah Cheetah-te vil zuina leh venhimna tura hmalaknate hrilhfiah a ni bawk.

<><><>